



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 85. Titulus V. De hæreticis sedulo vitandis.

[urn:nbn:de:hbz:466:1-67246](#)

Canon II. *Omnia Biblia sacra, & quibus alii libri de fide, & Religione veritatis lingua scripti respuantur, nisi quos Ecclesiae Catholicæ, & Ordinarii auctoritas probaverit.*

*Æcul XVI.
A.C. 1584.*

Canon III. *Non liceat cuiquam verba, & sententias sacrae Scripturæ ad scurrilia, fabulosa, vana, adulaciones, detractiones, superstitiones, & diabolicas incantationes, divinationes, sortes, libellos famosos, & alias ejusmodi impietates usurpare: qui in eo peccaverit, ab Episcopis legitimis penit coerceatur.*

Canon IV. *Sit index librorum prohibitorum apud Scribam, & actuariūm cuiuscunq[ue] Episcopatus, qui singulis annis exhibeatur Bibliopolis, & Typographis, ne per errorem improbatos libros disseminent, neve populus Catholicæ Religioni additus per ignorantiam libros prohibitos retineat.*

§. LXXXV.

Titulus V. De hæreticis sedulo vitandis.

Quintus titulus differit de sollicitudine, qua hæretici sunt vitandi, pag. 1075. hancque in rem in primo Canone horatatur hæc Synodus omnes fideles in Christo, præsertim Ecclesiasticos, ut conscientia hæreticorum devitent, connubia quoque, His. Eccles. Tom. L. L. com-

Sæcul. XVI. *commercia, & convivia aduersentur, &*
A.C. 1584. *fugiant.*

Canon II. *Hæreticis Ecclesiarum aditus, nisi caussa audiendæ prædicationis, non concedatur, neque sepultura Christiana.*

Canon III. *Ad hæreticorum conventicula nemo Catholicus accedat: qui secus fecerit, si clericus, excommunicetur, & deponatur: si laicus, violatæ Religionis reus censeatur.*

§. LXXXVI.

Titulus VI. De invocatione Sanctorum, & diebus festis.

Septem Canones sextus titulus de invocatione Sanctorum, festisque diebus exhibet, & quidem Canon I. ita incipit: *Colantur sancti, & dies festi Sanctorum piis orationibus, psalmis, & hymnis, & frequenti Missæ, & solemnis officiū celebratione, & verbi Dei prædicatione.*

Canon II. *Doceant prædicatores verum cultum Sanctorum tanquam Servorum Dei, qui tamen jam æterna beatitudine fruuntur, pro mortalibus orant, & precibus suis populi votis apud Deum favent.*

Canon III. *Concionatores abhorreant aniles fabulas, & quæ potius profana, quam Dei Sanctis convenientia, quæque infirmis offendiculo esse possint, nec quidquam pro historia Sanctorum proferant in medium, nisi quod ab Ecclesia Catholica receptum*